



امور داخلیه

درسه اتمه اقامت اوزره اولان سیادتلو شریف عبدالمطلب حضرت ترینگ برادری سیادتلو شریف علی حضرت تری بالمناسبه مابین همایونه عزیمت ایتش اولدیغندن مبارک حضور همایون مکارم نمون حضرت شاهانه به دخول شرفه نائل اولمش و مومی ایله حضرت تری تقییل قدم معالی توأم جناب خلافتناهی مرادنده اولدیغنی حالده طرف اشرف حضرت ظل الاهییدن سیادت نسبه سنه حرمة فقط تقییل دامن شوکت پیرامن شاهانه به ارانه رخصتله تظیف و حقه انوع نوازش و التفات ملوکانه لری اظهار و تدبیر بیوردیغندن ماعدا برقعده مجوهر قوطی دخی عنایت واحسان و برادری مشارالیه شریف عبدالمطلب حضرت تریینه مقدمدن مخصوص اولان مستوفی معاشدن بشقه مومی ایله شریف علی حضرت تریینه دخی مجددا مستوفی معاش تخصیصنه امر و فرمان شاهانه لری ارزان بیورلمش اولغله اقتضاسی تنظیم و اجرا قلمشدر

بحر سیاه بوغازی ناظری بوانسان امین اغانک هر تقدیر امور ماوره سنه سعیدی واریسه ده بوغاز ناظری دیمک قلاع خاقانیه تک داخلا و خارجا اصول هندسه به تطبیق اسباب استحکام و تقویه سنه باققدن عبارت اولدیغندن فن هندسه به کماله واقف برذاتک مأمورینی لازم کلمش و لغمبجی میرالایی حافظبک فن هندسه به مهارتی اولدیغندن ماعدا غیرت و درایت اصحابندن بولنمش اولغله ذکر اولنسان بوغاز نظارتی عواطف علییه حضرت شاهانه دن عساکر منصوره میرالوغنی رتبه سی احسانبه مومی ایله حاله و تقویعتن بیورلمشدر

اعلام علما و مشاهیر فضلادن قسطمونی خلیل افندی مر حومک حاقدی اولوب باموصله سلیمانیه مهرماه سلطان مدرسه سی مدرسسی اولان محمد بسیم افندی رتبه سی شهر سابق یعنی جادی الاولینک یکرمی یدنجی کونی مدرسه مذکوره ایله بالاعتبار خامسه به ترفیع و بوجهله دخی ارباب هنر و حیثیت حقارنده احسان شاهانه رایگان اولدیغنه تلخیص بیورلمشدر

برمدت تبرو باب عالیده چاوشلر کابنده بوانسان یکن ابراهیم آقا زاده سعید افندی بو دفعه حلول اجل موعود بیلار ترحال دار بقا ایتش و خواجکان دیوان همایوندن و کتبخانه قلی خلفا سی امکدرا رانندن احمد بهجت افندی کتایت مذکوره به اهل و ارباب کورنمش اولدیغندن عواطف علییه حضرت شاهانه دن مومی ایله احسان و توجیه بیوریله رق اشبو جادی الاخره تک یدنجی بازار کونی خلعتی اکسا و اجرا اولمشدر

حالا سلا نیک سنجانی متصرفی عمر پاشا حضرت تری بوندن اقدام اغریبوزده محافظلقاری هنکامده اغریبوز ساحه سنده سایه هما وایه حضرت شاهانه ده انشا ایتدرمش اولدیغنی برقعده بریق سفینه سنک عاجزانه ر بطرسانه عامره بیورلمسی استرحامنی مبارک خاک پای همایون جناب ظل الاهی به عرض و تقدیم ایله مشمول نگاه عاطفت اکتناه قبول بیورلمسنه مساعدت سنیه ملوکانه بی استدعا ایتش و موهبه الهیه اولان کمال بنده پروری و شفقت حضرت شاهانه اقتضاسی مشارالیه حضرت ترینگ استدعاسی رهین اسعاف بیوریله رق سفینه مذکوره دونغای همایونه الحاقا کشید. مر سالی قبول بیورلمش و سفینه مذکوره بی کتورن مشارالیه ادمه عطیه سنیه احسان و خلعت دخی اکسا پرله مشارالیه نائل مر ام اولمشدر

چونکه جمیع زمانده اخلاق ادبیه و مظاهر خدمتشناسی به رعایت ماده سی جمله ناسه مدار حلییه درایت و علی الخصوص بندکان و خدمت سلطنت سنیه به کوره فریضه ذمت استقامت اوله رق بومسک مر غوبه کیدنلو ممدوح الحال و مرفه البال اولدقلری مثلوه عکسنه حرکت ایدنلر جزای اعماللری اوله رق مبتلای رنج و نکال اوله کلدکلری وارسنه قیداشکالدر اشته بوقبیلندر که خواجکاندن قاضی کوبنده ساکن شام قیو کتخداسی اسبق شرف افندیگن وظیفه رویتدن خارج کلمات نفوهنه اجناساری و اوقاف همایون

اسکندر به و اوخری و ایلیمان سنجاقلری وزرای عظامدن علی نامق پاشا حضرت ترینگ عهده سنده اولوب لکن مشارالیه حضرت تریله الویه مذکوره اها لیبسی ینلرنده عدم امتزاج و مابینت و بعض کونه قیل و قال مغایرت تگون ایتش و سبب و منشأ نی تحقیق و اشعار ایتک اوزره پکنلرده عساکر منصوره میرالایرندن طیار بک مخصوصا مأمور و تعیین قلمشیدی میر مومی ایله تحقیقات و اشعاراته و لوایح حاله نظرا مشارالیه عزل و تبدیلی ایجاب مصطلندن کورنمش اولدیغندن مبارک قریحه صبیحه حضرت شاهانه دن الویه نثنه مذکوره سواری عساکر خاصه شاهانه میرالو ازندن حافظ پاشا حضرت تریینه سواری عساکر خاصه شاهانه فریقگی رتبه رفعه سی احسانبه توجیه و پاشای مومی ایله واصل اولنجیه قدر الویه مذکوره قائمقاملغنی میرالایی مومی ایله طیار بکه حاله برله اقتضای این امر عالی اصدار و تسیار و مشارالیه نامق پاشا حضرت تری دخی وزارت لری عهده لنده اوله رق مناسرت و سلا نیک طرفلرینه چیتمق اوزره کندوسنه تمیر و اشعار اولنمش و سلستره ایالتی و روسحق محافظلغنی دخی سواری عساکر منصوره میرالو ازندن میرزا سعید پاشا حضرت تریینه سواری عساکر منصوره محمدیه فریقگی رتبه جلایله سی اضافه سیله عنایت بیوریله رق اشبو جادی الاخره تک طقوزنجی صالی کونی حضور مکارم موفور حضرت شاهانه ده پاشای مومی ایله یقه سی صرمه اشله لی حر و انیلرا کسا و رتبه لینه مخصوص نشان عالی اعطاسی ایله اجر برله باب عالی به بالارسال حقارنده مراسم مرعیه اجرا بیورلمشدر و سلستره والیبسی سابق محمد پاشا حضرت ترینگ دخی وزارتی عهده سنده اوله رق ادرنه به کلوب اقامت ایتسی کندوسنه تسطیر و تمیر و اولمشدر و پاشای مومی ایله همایه رجال دولت علیه دن ضرر بخانه طاهره ناظری سابق علی رضا افندی حضرت تری قیو کتخداسی نصب و تعیین بیورلمش اولدیغندن اقتضای این خلعتلر اکسا و انباس قلمشدر

